

陶
山
詩
前
錄

詩家以性情為貴陶山先生真
是待人性情放下筆每得古
人詩境深處此二卷乃其中
年以前之作取佳者評
意發於腕得未曾有次者

亦各有一種情趣要不愧
為雅人之詠也

嘉慶辛未冬姚鼐題

原缺

而巧思合綺健骨摩空竟從倚馬之餘得成載酒之集
見者遂驚猶鬼神焉不知召雲者龍命呂者律先生萬
流廣納八風棣通大而掌華蹈襄小而鏤塵吹影則分
其全量衍此餘波不過小試其別腸遂已若開平生面
要之藏山之業自有千秋活民之書利在當世此第文
人極致游戲神通僕豈敢以習制氏之鏗鏘而妄欲測
牙生之山水乎因其誣諉重以引伸以見其一藝之無
不精如此嘉慶辛未上巳同年錢唐吳錫麒撰

善化唐君陶山錄其前後古近體詩共
若干卷刻既成問為於余乞與陶山同舉
京師試相後於相人中不取習也久聞山
始成進士出宰吾郡之荆溪余自部
郎外擢浙江監司每於海寧吳槎在棧
見陶山所為詩踣屣屢發鏗句震盪心
竊善之奈何陶山移任吳郡向甘勤苦以

子而以其暇修治古蹟，揭禮樂殿，人皆稱陶
山爲梁。余余以入，觀過矣。扣與還，往自後
蹤跡分曉，祇以書問，通殷懃而已。未幾十五
年，余在東師，陶山以通州牧，膺薦至，極手
造，故扣見甚懽。時余方有還志，而陶山盛
於榮利，甚急趣。六殊，趨於軒冕，以外惟常
過，余待吁陶山，以是宜其請之，予如欲。

夫三楚多詩人余所識者周半帆孫石溪
其尤也兩君一為翰林一官學博皆示聲以
沒而陶山亦為困於簿書鞅掌中或以是
為陶山惜此則不然若歐陽以以文章名
而與人言但及政事蓋政事可以施之於人
而文章乃其餘事今陶山久日民牧縱不
能盡彰其志之政有善政及民而又能以

易直子孫之心形法篇什孫子言誦詩之
百授之以政陶山之於政也素矣唐即此
詩之所以得教乎余與陶山爲同年者數十
年於茲而始得盡讀其詩而序之也
可幸矣

嘉慶十有七年上元前三日秦流序

陶山詩錄序

余與陶山故有蕭望之雅意本朝之額不樂處外廷皆弗遂余既蚤衰自廢君成進士廷為州縣江南起伏迤邐其中十有餘年遷領方州累權大郡在在法不為不遇要之非其好也然陶

山之學則曰是大進學進詩亦
與之俱勝陶山既志寫入官以
後所作略仿古人一官一集釐
為若干卷以示余屬為之序夫
以陶山之才屈為州縣州縣亦
今天下速飛之器也上不難如
古循良立名奏效下亦不難因

緣薦寵獵取桂節焜耀一時今
願不然而徒投手版望塵趨風
今日拜于塗而明日衙于府而
其間又不能無行役之煩簡書
之悻期會之數數與夫事物是
非相感觸于是含豪伸帑以一
官昌其詩何為也哉君始至荆

溪以大買書逋其帑肆力讀之
其後改官五六處輒以書俱暇
則訪其山川交其學士大夫蒐
舉湮湛褒存壘墓其中之所嘗
然莫釋然欲達者往、不克
施諸官則以寓諸詩而詩乃裒
然如是矣假令陶山當日幸不

為州縣為州縣不至江南又幸
如前所稱把旄握節去為貴人
必且不暇為詩即為詩必不能
縱所好于讀書以立其為詩之
本而多其為詩之助如今無疑
也然則陶山之詩未始非陶山
之官之適遭起伏有以推排激

宕而成之今此一官一集志其
官凡以志其學而已君為人色
夷氣清議論必依于忠厚不為
厓岨蘄絕而臨事嘉然見可否
尤善目事為功或形格勢禁不
惜宛轉掇十一于千百所持利
害得失或不能驟當于上官久

而卒無以易之以是宰相與倚
辦加之揄揚比者竅計而還以
病乞去不得猶來卧理于此蓋
陶山之詩成而官亦自是將起
矣雖然以陶山之人之才之學
一官十餘年徒用昌其詩即所
謂曰事為切者亦徒一二于詩

見之後之讀者而且論其世而
慨然有感于余言也夫嘉慶庚
午歲除長洲王邑孫序

陶山詩前錄自叙

余既刻入官以後詩十二卷檢癸丑以前至戊戌尚千餘篇不忍棄請姚姬傳先生刪之存一百四十首別為二卷十數年中菽水之養松楸之營履齒舂之遊歷與夫公車往返山居食貧之梗概亦略可見矣人生由少而壯而老已事如煙不可追跡唯藉此攄寫性情胸臆之筆存其崖略詞雖不工胡可棄耶時丁巳戊戌以前之草自謂不足存而悲熱之吁今之存者果足存乎吾不信也此陶山詩前錄之所以刻也辛未長至月仲冕

自識

通州白懋初慎旃書

秀水翟璜春溪校字

陶山詩前錄卷上

善化

古近體詩七十五首

擬古四首

戊戌

驅車河洛間南北無殊軌仗此忠信心可以行萬里侈
蕩擊珊瑚讒間載薏苡古豈無賢豪往往踈疑似廩廩
持尺寸君子遇不詭俯仰天地寬逍遙得素履

凜凜歲云暮愁思起中夜烏啼月將落雁叫霜初下披
衣問何其晨起欲整駕仰看喬木深兼惜連枝亞客遊
如獨樹當風畏凋謝感茲物候移鄉井懷桑柘

客從遠方來遺我一書函書中何所道紬繹當發九樞
機榮辱主古聖歎三緘世情如水火人事異酸鹹恃直
而不戒次公衆所銜福生自戕口作賦空憂讒莠言似
荆棘滋蔓宜速芟珍重金石辭捫舌立之監

客游何所得縱得又何如朱門斲其椽未若蓬戶居靖
節賦歸來僮稚共引裾心追兩漢上眼覩三古書在官
殊自苦乞食反為愉願君志飛鴻稻梁非遠圖自古行
路難慎旃發軔初

出都門晚行口占

卞和頻獻璞王粲獨登樓中酒燕臺畔驅車易水頭

陽孤倦鳥村樹聚歸牛頗愛涼颼起稜稜六月秋

題三楞齋

院東花欄度煙靄一楞瀟灑出廡外院西垣衣長斑駁
一楞清森出廡角苔蘚侵階石覆檐隔廡相對春漠漠
我日吟哦坐其下時擁鴉鋤護拱把但有小皺望大椿
不羨高名求美楨幹不擁腫枝不拳不知已者詬厲焉
世無子知子有偶蕭散自足全其天我亦迂踈少諧俗
天之生是寧使獨掄材見棄栽者培擇木無心來不速
雲深掃徑已逢三月明對影還成六休論臭味無差池
鶴鳴詩咏園有穀

寒食道中口號二首

撫景驚心處，孤墳岱嶽西。
春暉何日報，客夢昨宵啼。
百五日空過，蒼黃雲自迷。
愁看走士女，拜埽到雞棲。

春事徂強半，衰顏違又年。
高堂人七十，客子路三千。

勢幽燕，巨風光。蒼雲偏少陵，當此日。示子尚詩篇。
闕家大人

客遊
杭州

雨後

驟雨難終日，晚晴得自賒。
雲殘不碍月，風定為留花。
清入三更鶴，涼生兩部蛙。
連朝蒸歎洗，迴似到長沙。

雨霽登易州城晚眺

衝泥冒雨出塵鷲百雉城巔一望遙塞上雲深天欲漏
河干風涌水如潮周遭列嶂分西徼紫繞清溪送北條
指點荆軻山下路暮鴉起處有歸樵

月夜甯內兄少尉邀同黃別駕楊馮二學博登易
州南城飲

嵐拖晚寺響蒲牢興躡危城接散曹皎月初圓雲出塞
涼風一角客憑高蟬知秋近聲先劇酒到情酣首自搔
最愛漫漫山漲發和煙似涌廣陵濤

趙北口懷黃十九長原廿三一吾兄弟

長原名相
寧一吾名

湘南皆寧 己亥
鄉諸生

百頃葑田水盈盈送客愁繞膝看穉稭聽鳥訝鉤輶
雨千畦綠荷風五月秋自慙隨襪襪欲附遠帆舟
憶昔濠梁興招同住馬蹄隔蘆呼小艇掃屋門新題雁
齒經重倚鷓夷悵獨攜何時偕勝侶買棹話湘西

布山旅次喜何星田見過別後賦寄二首

星田名同宜卿

諸英子生

嗒喪原無我登來喜是君掩窓吟細雨燒燭話寒雲榻
近秋葢覺山深遠梵聞新知促分袂旅緒更續紛
剝啄方傾釀分張自閉門樓空風出入雲亂月明昏永
夜邨更斷寒林野雀喧漫驚鄉夢覺落葉打窓繁

次韻星田安山雜咏二首

秋盡寒山葉，憑軒獨望時。
村民乘屋早，縣吏索租遲。
邀客烹黃韭，尋仙採紫芝。
顏懷強半阻，落落有誰知。

覓句冰生硯，停杯月入帷。
因疑即見面，促和舊吟詩。
夢破深寒裏，春生小飲時。
依人同落托，歸計莫教遲。

清明日獨遊凌漢峰下三首

辛丑

和風烘出曉，愜晴簫鼓傳。
聲聽賣錫忽，憶春光滿山。
臨榆錢柳絮，正清明。

藤梢刺眼入幽岑，短竹橫斜倚自陰。
風亂桃花紅似雨，泛潭春水綠沈沈。

踏殘花選叩禪關却笑山僧不在山檻外蒼髯如舊識
被襟相對白雲間

篆刻漫興

繆篆摹印章漢唐法屢變參用朱白文奇巧競藻絢斑
駁為爛銅精細為鐵線煮石自山農象犀品乃賤壽山
與青田採洞紛玉片愛惜及銖兩價重逾縑絹少小題
牋牘標識名手倩近習次仲書篆刻尤所羨萊山富賦
硃水蒼復葱蒨嫩軟如切泥初試手猶顛點畫至於族
林然遲以眤規矩效斯冰傲詭仿敦龐自謂能稍稍逢
人輒賈術亦有好事者投石趁閒宴秋露愁泥活倚窓

坐深院別風淮雨間繁簡參譜傳越砥築氏削霏屑如
集霰橫理何庚庚疊壘用糾纏當其析毫髮目力如巖
電能事不迫促四顧藏刀善楮葉笑無成棘猴渺難見
茲枝等雕蟲猶堪消晝倦花箋漫排窠脫手飛輕茜

陶山展墓往返得詩八首

納稼前村語漸譁板橋流水見人家豈花小圃經秋雨
柿葉深林帶晚霞為護障泥遲渡馬無多髭柳亂栖鴉
養魚池沼依稀在欲倚朱公學富誇

牛山荊蒺接陶山峰嶸參差十里間嶺半缺來雲欲補
峽當斷處樹為關輕霜滿笠鞭羊早細雨籠煙去鳥閒

自媿東西南北客，崇封四尺望孱顏。

夢裏嘗騰色，笑微九原長恨隔。春暉羊腸細路，樵通徑
馬鬣新阡石。作園霧滿藤蘿侵，履濕草枯蚱蜢倚衣飛。
可憐身上拈殘線，遊子而今尚未歸。

登高節近奈愁何，此際西風根觸多。卅載生涯常作客，
十年荒隴幾迴過。憑教日者推磨蝎，幾使門人廢蓼莪。
更憶鄉關插萸徧，扶鳩東望數駕鷲。

幾年歸燕賦難成，席帽青衫客緒縈。雁入南天霜有迹，
蟲鳴秋草雨無情。松楸空灑梁公涕，桑梓偏輸萊子耕。
荒碣摩挲鄉思劇，遠山一抹暮煙橫。

曙袍颺館促歸裝回首淒清百尺岡一帶茅茨煙繞碧
半溪沙路草鋪黃濃雲入樹埋山脚踈柳侵池淡曉光
長憶昔年郊老向可堪風雨近重陽

虛牝長拚歲月新詎從潦倒怨儒巾追懷斗麵逢生日
頗恠桑弧誤客身憔悴至今留藻鏡顏唐空自浣緇塵
百年底事頻搔首欲向瞿曇問宿因

身世低徊輒索嶽山椒一徑入崎嶇僮奴駭汗扶輪走

將伯驚心上阪呼

昨來山路九兩費車
迴過其處有戒心焉

已是勞薪還自

惜不教岐路更多虞秋風獵獵垂楊影好趁孤吟滿眼

西

遊徂來山二首

壬寅

嶂疊峰仍斷，溪泉出谷幽。
亂雲投客屐，積翠引吟眸。
過澗輕塵隔，憑欄薄霧收。
丹黃紛滿樹，不道是深秋。
一榻依雲壑，雙扉抱碧林。
却從鄉夢斷，驚聽澗流深。
葉墮風敲戶，窻踈月入衾。
游裝凌曉發，輕拂薜蘿襟。

齋中雜詩二首

兀坐拚長日，閒行過短橋。
僕言漫刺字，吏苦遞詩瓢。
入寺尋僧熟，登山借馬驕。
為窮幽勝處，谷口話歸樵。
近山雲入室，驟雨水平堂。
菜甲開新齋，垣衣慣夕陽。
閒倚樹久待，月引壺長花。
事終年了，開齋伴晚香。

送星田南歸應舉

癸卯

岱下棲遲歷歲年坐談連榻出連羈為懷楚澤三秋月
攜得齊州九點煙汶上馬嘶楊柳渡岳陽風送木蘭船
承歡折桂應重至共躡雲梯到日邊

檣隱咏懷

有序

齋後雷舊有隱距門裁尺所迫移築其北得小園廣
數弓中有竹檣而檣最茂因名檣隱時一涉足輒懷
星田新別故也

支離似我稱疎材小逕脚從屋背開雲影漸隨歸客遠
月明猶為故人來扁舟短策程千里老樹孤邨夢幾回

臨山詩前錄卷上
獨坐支頤無箇事暮鴉啼上隔牆槐

樗隱即事二首

日涉都成趣花畦漸綺交老樗高過屋新竹小如茅逸
夢風親榻孤吟月上梢寄焉同社櫟無意問芳郊
偶傷扶踈樹聊披山海經野花閒自舞啼鳥劇還停坐
記牆陰日看低屋角星嶺雲容易入檻外一痕青

過平陰作

家君舊治

榆山山頭路欽崎山下斗城日上遲嶺邊人家石累屋
林際雞聲棗編籬偶逢舊識十年話重覓古渡一鞭持
遺惠雲門與雉堞至今猶有著吏知

題何雪圃詩集

雪圃名人
鶴綿州人

學詩如學琴調指無淺深幽蘭與綠水須知絃外音讀
詩如飲酒不貴甘可口樹桂有餘辛真是掃愁帚君詩
有性情我讀不釋手古人洵可學勉旃惟孝友遊子竟
何為衣食困奔走一讀一迴腸感君意良厚莫與外人
言里耳重折柳

遊靈巖贈陳明軒

明軒名秉灼
澤州諸生

自笑蕭然行脚僧一時杖履許同登巖頭鶴舞松花落
洞裏雲生塔影增出世欲隨陳壽愷開山先數佛圓澄
證明龕頂無無盡更約重游到上層

趙北口

一奩春縠縹輕紋十二橋邊草色薰
趙北煙波迥無際
竹西風月許平分鶯聲漸合芳津柳
帆影遙窅別浦雲
絕憶江干風日暖買魚沽酒趁斜曛

贈謝二少山

甲辰

同是樓羅客春殘旅思中軟紅新得
雨浮白快當風已
分題歸燕憑誰識爨桐猶堪樂晨夕
時共檢魚蟲

出都門二絕句

京華旅食又經春依舊當年席帽人
促把歸鞭出郊墅
桐芭初拂笠簷新

濃綠含煙樹萬行
幾家籬落野花香
分明憶得江鄉景
但欠溝塍長稻芒

過郭隗墓

先生何卓犖
白擬千里骨
不惜五百金
羣駿紛馳突
嗟彼相馬人
驪黃辨俗目
遺神而取貌
空骨人所忽
築宮微燕昭
先生終汨沒
淪落不足言
安能興也勃
黃金臺上草
先生墓傷木
一歲一榮枯
千秋感樵牧

過穎考叔墓

驅車渡穎水
豐碑誌古墓
云是鄭封人
考叔舊封樹
獻君食舍肉
遺母同反哺
惟藉一杯羹
妙轉黃泉路
沛公

取天下分羹置不顧
轅登怨邱嫂頡羹彰
所惡孝弟義
已衰力爭但貴富
懿哉麟鳳仁梟獍
亦悔悟繫我久客
遊甘脆違朝暮
捧檄尚未能感此
深孺慕

大堤曲

郎住襄水西妾住襄水東
襄水日東流願郎常相逢
隄樹密如薺隄岸亘如虹
期郎不至使我心忡忡
郎心寧見棄妾命未合
通繡袿與鞦韆難為時
世容郎如念妾來
竚立芳蘭叢
禳花香滿懷
開袖寄東風

潛江舟中

漢水支流勢盡降
清溪綠樹是潛江
桔槔連岸催鉦鼓

槎柵橫灘接石缸薄靄受風平水面晚涼和月到船窻
長年知我歸程急理楫中宵駕一艘

嘉魚舟中

雨後添新漲江寒透短衫晚風吹急浪返照上孤帆磯
沒頻移簾湍奔輒破巖扣舷聊自和遠岸月初銜

風阻茅步夾

打槳過石頭江平波激滌山容媚新雨林樾浸江面方
苦舟行遲又訝風勢變當頭浪聲雄隔岸雲葉颭我來
趨晨昏心迫欲乘傳買棹入江皋僂指近鄉縣却與三
老愁未趁五兩便收纜泊夾浦兀坐增旬線遙看下水

船帆檣急如箭

湘陰道中

昨宵新雨水平塘竹埤松林五月涼行到小溪過短桁
午風輕送稻花香

將至長沙贈同行羅湘洲全年

湘洲名廷彥衡山人

結言敦夙好氣誼久倍篤歸程愜素期攜手忘榮辱君
行計五偕我客麥入熟蕭然出春明風塵走碌碌暮沙
自引車曉渡親執扑相對塵積面無語愁滿腹馬竭纜
移舟風滯輒登陸烈日傘欲燃輿人汗如沃相將五十
里里門始可矚各遂倚閭思敢言辛苦足醞釀君沖沖

疎慵我粥粥風雨日連床資益可更僕志業難強同冥
鴻與飛鵠車笠不足盟盟深在幽獨

到家

肩輿入長沙親故寡所識道左問新居山塗足攀陟日
西過姊門虹飛雲如墨前行轉隈坳欲避風雨逼松杉
雜箭蔚水竹護崩劣池邊小徑開吾翁倚門闕登堂拜
家慶未語淚沾臆愛子反慰撫呼孫急來即自歎旅遊
初奮志不家食數載空歸來兒讀女能織仰視堂構成
將落魄不殖榮貴非可期惟有事勞穡

自題拜慶山房

臨山言前金卷上
日余別寓堂由廬尚依舊歸來歷七春新遷愈僻陋老
親漸衰頹癡兒苦句讀所幸長病愁尚能聚老幼夢生
西堂草力種南山豆滿架餘縹緗數椽闔圭竇蕉深護
雨林竹密抱雲岫清風時時來為我消永晝顧我念析
薪何以副丕構感茲致洗腆謹用誌中雷

即事

生長在里門弱冠即遠駕親戚半踈違况乃易桑柘茲
從久客歸因欲營杞桎弟兄聞我來歡集趁休夏鄰里
聞我來攜酒相慰藉六親聞我來遠近紛招迓我本媿
三釜媮裙滌子舍醜顏對朋儔石田荒墨稼樹巔雞鳴

午巷口犬吠夜身世識所歸逢人問米價

禱嶽途中作

曉行入山路寒煙結千縷微旭閣重陰欲雨不得雨山
斷見平田林深得花隴逶迤巖谷中迎人問岫嶼我來
非曠遊默禱已偃僂風起宿霧開羣峰一一吐

登南嶽祝融峰

炎精貫注出蒼冥顛骨嶙峋表赤靈青玉壇遶橫半壁
朱陵臺上闢重扃騰騰光燄爭鶉火冉冉煙霞落洞庭
獨拄穹顛暗搔首晚風聊與酌湘醜

禹碑

近人不識籀與篆蟲文鳥跡安可辨偶然遇之妄生疑
或且彊作雕龍辯大禹五馬祝融峯赤繡蒼水天神遣
授以金簡玉字書力灑沈蓄致清晏當時惟禹省其文
朱虎熊羆勞披展南嶽四千一十丈仍以宛委事雕琢
山騰水涌龍畫分雷回雲紘螺書扁鞭笞蝸蛎走彷徨
呵護不許蝕野燹覆釜空同失遺碣廬山漫誌余乃攬
於鑠皇古獨此碑嘉定以來理終顯上追陽虛之丹甲
婢視螭鼎與紀甌崑下少年飛颺去陋儒以意相推衍
誰歟置身如后苟承帝曰嗟義粗淺我來更欲重箋釋
自慙謏瞽空剔薛象物已淪此義荒何人編輯入謨典

秋齋雜述四首

澗繞峰環樹影圍幽棲頗稱一枝安雨疎叢荻魚標斷
雲護清溪鶴柵窅白墀和泥新掃壁紫皺駭栗輒堆盤
飄零書劍聊收拾時侍鳩筇仔細看

深林屋角帶晴煙散步墻陰意斐然丹桂最宜端正月
黃華長是義熙年枝頭噪雀賡樵唱村外呼鷹破鴨眠
報道重陽新釀熟捧觴攜幼列長筵

人生真是挂星槎須擇溪山艤槩牙松粒受風侵帽側
桐陰銜照入簾斜落泥歸燕猶留壘收蜜殘蜂已散衙
却掃自安鳩計拙門封龜網辟盤蝸

飈館輕霜颯已淒獨攀石廩與雲齊聲連遠浦長空鴈
曙徹穹顛午夜雞漁艇唱迴湘水曲吟筇看盡楚山低
昔年攜手云亭客知在晴江濯錦西

寄星
田

山居秋興四首

地僻長無事山深覺早寒茗旗開白甌橘刺綴黃團新
霽忙乘屋斜陽愛倚欄此中幽興足不復問彈冠
每侍紅藤杖隨行紫蓋山試橋泉落澗掃石蘚留斑偶
遇鄰翁話頻先暮鳥還一樽禁索莫何以慰顏顏
門外溪山迴丹楓惹夕暉柯樵雲亂響鷺鷥水斜飛未
把青絲鞵長依白板扉耕縻占秋隴時為荷鋤歸

劇冷頻聞雁餘溫或見蚊蕉聲和石溜竹影失溪雲落
葉清於雨深林絳欲焚遠香山果熟登案配芳芸

發長沙舟中別弟

乙巳

為銜親命白雲東買棹湘干祖席同姜被難分將曉月
顧帆已飽乍晴風莫從子舍傷離索應憶孤樹望鬱蔥

陶山翁有鬱蔥山

昨夜歸期曾共數此心不負小山叢

柳枝歎

念我昨出門送者自崖反其時折柳贈枝頭繞著眼行
行今幾日春光已無限驛路與野橋垂綫相組縮天桃
爛欲然穠李靚如浣更當經幾時芳徑絮飛糝長條拂

金思藏梭聽睨睨又當經幾時髡禿鴉棲晚人生苦奔
馳日月珠走阪既無安樂緣何傷長顛頷獨懷倚閭人
時物日增感

鹿邑道中

春曉猛著霜霧濃不見手行人卜晴多農夫待雨久來
年橫東臯耕糜亂南畝馬鬣嗇點滴鮒轍乞升斗荒村
風捲屋逸車牛絕紐老嫗刷根荻姪女鉤柔柳遊客方
北上遷毗或南走相逢話黃髮並坐烹綠韭莫歎行路
難且歌將進酒

望泰山

去年躡屐上衡山，幾日拚舟出楚關。
却笑故山翻似客，短筇仍拄岱雲間。

清明日登陶山展墓四首

夢繞三千里來經，廿四風淒然罔隴上。
醜酒酹空濛孤塚存，封鬣浮生歎轉蓬。
艱難伸拜掃來去，輒匆匆。細草生山色，
輕陰落杏花。少游無大志，子厚倍思家。
巢室慙歸燕，銜枝慕乳鴉。紙錢飛未盡，惆悵夕陽斜。

何人剪草萊，樵徑墓門開。暮雨棠梨發，
崖風蝙蝠迴。石殘碁剩局，雲密樹生苔。
絕憶重泉路，空餘舊荻灰。

澗北山南路，村籬帶晚煙。欲為聯社客，
恨乏買山錢。同

姓能收族相資為置田從茲樹松柏何日表新阡

上巳日諸子邀遊王母池禊飲

禊潭何處春色占瑤池一鑑含翠澗溯委窮源自蓬萊
綠淨魚懸石深壑同屣踏青臨清流疑見水心人捧劍
濯巾當風信所適犖确翫翫殊未厭攀葛愛摘山花紅
傳杯漸覺村釀釅閑雲幾簇披晴峰飛鳥數聲驚落艷
欲學參軍賦蠻語頗類茂先談漢槩幸逢雅集諸君賢
樂我相長一日僭醉餘憑眺闕前軒草滿江南增遠念

陶山詩前錄卷上

陶山詩前錄卷下

善化 唐仲冕 六枳

古近體詩六十五首

竹雨東任春帆太守

春帆名溥宛平人

駭空驅風來小竹力支亞初疑雲影落瞥見電光射少
頃雨如豆瑟瑟紛傾瀉洗柯雷接檐垂葉低入舍連朝
苦煖蒸兀坐思水榭此君不受暑亦復鬱燔爇忽開甘
露門恍縱青冥葩碎玉聲初聞跳珠來何乍澎湃久稍
歇浙漑渾未罷從茲引清虛頗可消炎夏使君矢精誠
昨向天瓢借知當策紫馬憑高覘秋稼會陪賓朋驛有

酒不須賞且看綠滿窻寒碧任枕藉

獨坐竹間三首

初來岱宗祠遙見過墻竹湫隘不容車
數竿倚老屋因之寄襍被相期幾信宿
晨夕對寂寥筍芽忽滿目縱橫上幾番
漸成篔簹谷感君慰薦意留滯轉寒燠
但得樽不空何妨俎無肉

落落宵鐘遠蕭蕭夜窻幽銜杯看月落
欲語無朋儔起步碧藓階孤懷伴清脩
乘酣拂枕簟夢向青霄遊羣仙相揖讓
連翩驂翠虬時聞雜佩響采庸和華由
歸昌奏奇律長嘯開吟眸魂清聽未厭
驟雨滿梢頭

泰山足蘊毓結根有叢篁時引日觀雲護茲翠琳琅青
鸞雲中下棲集何軒昂啾啾燕雀羣腐鼠資稻梁莫道
浮筠斡結實終茫茫雲深清籟發逸韻諧笙簧聊堪愜
幽屏豈必愁飢腸

立秋日晚眺

溽暑消殘雨清秋入晚風淡煙原外綠斜日樹巔紅
搗帛聲先至簪楸興未窮却驚飄一葉旅思逼疎桐

別竹

君本清介姿宜共雲藏岫顧我未免俗適與君邂逅初
看枝葉疎旋見落筍透力為護擇龍嵐帚掃晴晝雨晨

與月夕悠然伴寒瘦君既無羞池我亦忘謫陋銜杯蘸
晚風吟句侵曉漏如遇東南美不問雙隻堠迴憶客位
初月律裁太簇勾留至木脫情親尚如舊忽驚涼颺起
颯颯滿圭竇來朝促分張相對滋恂愁因思逐征鴻漸
遠協占繇今春端策曆行遇漸之謙知君耐幽獨無輕結蘭臭何須
報網維神交誼彌厚

睡燕二首

高信風過玳瑁檐樓邊頓息語詰詰銜殘杏雨眠初熟
倦繞梨雲夢亦恬春靜游絲輕裊院晝長銀蒜半垂簾
風光自是堪消遣非為塵勞事黑甜

隔年門戶又從新香壘初成自在身閣下繡奩輕放剪
階前綠草自成茵三更謝豹啼應歇一隊春駒夢有因
幾片落花聞喚起紅襟乍醒趁芳辰

曉發平原

歲暮無端作遠遊送人雙堠出齊州買絲欲繡佳公子
破陣權呼惡督郵茆屋數間寒月動荒隄一道曉煙浮
因人錄錄長如此莫歎深霜滿敝裘

宿長新店

時除夕
前一日

更聞桑乾渡方聽臘鼓傳樓鴉曉落照征馬亂寒煙日
近由旬路春歸又五天歲華容易度潦倒又經年

陽山詩前金卷一
咏馬二首

丙午

良驥負鹽車喘汗太行阪道逢孫陽來長鳴出絕嘯倘
非乘旦材顧且安偃蹇材矣遇非人且耐湔被晚踪進
不自惜一出弗可返嵩邱價難酬天外事荒遠泰丙會
可逢莫妄効婉婉

茸茸野草肥瀏瀏溪水漾飲齧時翹足一朝飾錦障多
因慕儀臺未得騁個儻衡扼加月題迺為介閨狀繼之
以刻雒逸志竟誰亮不如飲醴泉飲禾玉山上與其編
皁棧羈帶惟所向

聞黃一吾秀才客死餘杭詩以哭之

天上玉樓成必存奇才為作記何如弗令來塵凡免使
倉皇中道棄黃子才如李昌谷苦探奚囊便腹笥憶昔
聯床論文史如子海內不三四尊甫方守北門鑰賢昆
並躍千里驥詎知人事驟變更坐令久戢摩天翅一自
別蕭門十載如夢寐前年買榜歸湖湘更驚著作淮南
字方期爾我尚少年良會他時好相值匆匆飢驅出燕
齊落落行踪倍蕉萃時從風雨撫幽琴天際真人若可
跂偶逢舊銀鹿輒問近所事云子遊餘杭委頓觚下利
阿嬖憲前候炊黍大阮床頭調藥餌吁嗟玉折蘭委地
我乍聞之心悲悽如此人曾不四十豈真造物小兒忌

陞山詩前金卷一
況喪其足如遺土尊足者存今安寄孤山梅平湖芟三
休亭五雲寺魂兮往來自與香山昭諫和靖端明共游
戲知子氣若錢唐潮愁我情深雍門淚世路幾人能知
心終古無緣重把臂吁嗟黃子今已矣何年歸襯瀉山
埭何年酌墓灸雞漬急語親故檢遺橐莫使妬才投溷

廁

遊南頂

豐宜郭外雨初晴綠樹濃煙一望平絕愛溪邊同水榭
却從隄上擬山行長橋獵獵垂帘影兩岸嘈嘈度曲聲
直到日斜入半散涼風猶為佐飛觥

雜體二首

古鏡含輝瑩妍蚩無匿貌迴如燭龍銜豈慮疲屢照但
恐日空懸塵埃積不埽況以入妝奩相褻等玩好不如
韜其光玉匣韞清耀一朝置秦臺羣邪不敢到

有客餽五絲出自九子紡可以絃綺琴可以綴錦幌理
之亂如麻繡縮焚在掌因思取刀斷此意亦鹵莽尋緒
得其端一絲已盈丈從此絲復絲了如抽繭盎

贈戴紫垣太史

紫垣名聯
奎如舉人

昔年同舉士二百君領解相揖稠人中志趣各超邁羣
公騰而上君亦挹沆瀣獨我如子雁邇風毛羽鍛因茲

日歛跡引身謝貴，豈慙區區名所學。實秋隘今年促，入都為了科場債。客館雜苓通童課，苦桎械夜榻卧冰。鐵朝餐勸饒餽，對衡適逢君一見。攄宿快追維十數年，始得樂情話雅不棄疎慵。更許登堂拜過從，隨朝昏言語無畛界。有時說文章，亦或談神怪。有時互揄揚，亦嘗寓規戒。書我座右箴，筆法勒金薤。茗柯有實理，媿我殊秕稗。示我消寒圖，竹深如擁解。松濤與流泉，如聞響澎湃。芙蓉蕖開錯落幽，襟清馨欬煩蒸。一展閱，曷病豁然瘥。矧此身外榮，胸中曾不芥。人生貴適意，清曠推廣玠。陰陽為桴炭，造化為鼓鞀。升沉亦何常，此志無少懈。惟當

愜素心高歌聽秋噫

送張鶴泉明府之任甘肅

鶴泉名世法湘潭人

老驥踈千里千里乃見驥昆銛切良玉切玉別利器屈
驥在置郵枉劍使芟穉豈不優為之驚鈍無難易

朝廷重守宰宰尤親民吏士夫擬科甲即以名待次往
往田間來輒與利祿覲得闕問肥瘠未遑求吏治除書
近塞徼氣索不能寐識者庸其材何待鐔與轡先生成
進士擬煩已再試守銓又二年擁書欲漫刺使相控邊
睡請簡能者四先生趨應命即日戒行騎且為同輩言
彼邑皆曾泣

聖恩挾風霆大蒙皆廣被崑崙數萬里一如依輦蹕民
情無遐邇惟在勤撫字所不足者財儒素豈當議縱令
官齊吳何渠務厚積居官能讓夷從事或盡瘁矧茲無
平陂其敢憚勞勩我讀先生文清高氣冲邃如此益歎
服恢恢有餘地孫陽與薛燭俊品不輕棄惜我困鹽車
當歸無遠志鋤刀未堪割為誰復墜鼻朔颺攪寒雲此
別逾顛顛

南歸紀行雜詩十八首

丁未

獨灑春暉淚存亡十八年

余生十八歲吾母見背今又十八年矣

一杯寒

絕嶺雙足繭荒煙但免侵樵牧何期表壘阡幾時躬秉

來此地足林泉

蓬轉真難定萍浮會有邊隻輪解故轍一葉向長川小

泊朝乘楫高歌夜扣舷蘭陵連碣澤酷酒罄囊錢

由嶧縣臺

莊買舟
入徐

丈夫苟失志誰復哀王孫不受娥妲禍安知漂母恩小

橋通野市

淮上有
勝下橋

遙阜敞高原國士空銷歇啼鳥滿故

邨

雕闌聯繡舸虎氣隱青山烈士岡頭草名娃鏡裏顏臺

傳游鹿古石笑聽經頑見說吳趨樂羈愁未許刪

虎邱

不對清波迥那知暑氣除隔橋開紺殿映舫發紅蕖百

頃平無際雙峰畫莫如牽舩謀小住歸思迫湘漁

西湖

莫恠臨江釣荒臺竦百尋欲垂貪餌戒故示潔清心縱
有絲綸遠其如薜荔深希文表祠宇出處亦同襟釣臺
百丈牽仍緩三衢路正舒衝煙分宿鷺緣澗數游魚水
入機舂急仙歸洞口虛定山雲潑墨應是雨來初衢州
為避風波險偏愁磬確行小窻貪樹色孤枕怯灘聲潘
鬢驚初見張舩計未成鄉關二千里昨夜夢江城
行李裁料理扁舟復駕輕豫章初入界廬阜遠相迎峰
嶠參差見雲霞遠近明羈遊未攀陟空望逐行程
危嶠雲封盡深林雨到齊鼓橈奔遠岸剗榜傍平溪乍

渥耕黃犢新晴挂紫蜺涼颺掃殘暑秋氣已清淒
暮雲疾歸峽平楚擁柴轅水鳥親牛背泥蛙集稻孫叢
祠篝有火煙箐密無門負米長違顛秋風動客魂

秋江津岸濶午夜斗牛高變化已神物奔騰猶怒濤青
萍莫相識紫氣亦空豪何處求遺跡孤舟欲自操

豐城

山邑城低屋江濱筏作橋白雲藏鷺渚紅蓼截魚標散
牧秋牛逸橫空野鶴遙人生自閒適早赴桂叢招

新喻縣

阻淺檣烏落登程社燕迴危橋綠樹上急雨過幽來晚

稻猶能熟巖花亦小顏疎風釀蘆雪溪畔已喧豗

蘆溪道中

斷崖停小履細雨上輕艘客下鉤鞞淚鄉傳欸乃腔衝

風翻鴨柵宿霧點漁鉉難竹前邨晚平橋駕淥江

登舟

歎濤丸走阪擊汰傳乘郵莫倚隨波快因忘上瀨愁晚
煙濃欲雨山澗碧於油僮僕言旋喜看雲數驛樓

夜半風初定湘干路未諳披衣看碧漢繫纜到昭潭火
伴揚帆別親知握手談維桑必敬止猶念倚江楠

弱冠懷書策飄零直至今燕齊多去住吳越費謳吟晚
露猶蘭茂秋雲綠竹深也知生理拙息影愛長林

遷家

辛亥

吾家素頗裕先子以宦貧遺書十餘篋零落手澤存年
來益嬰疾弗荷媿析薪棄基忽已再況有光門軒窳黔

輒變易席煖還他遷本無治生策安望良田園本無大

壯材安望美真輪得此硤确地邱壑堪盤桓圭簞雖粗

畧尚稱容膝安卜宅兆履坦考祥叶其旋

卜居遇履之隨故云蝸

寄既有托鳩拙宜自閒幸逢隆冬霽傭僦來欣欣巾箱

塞路至窶數當門陳糞除置木榻屈足聞香芸雖愚未

能讀對客誇家珍因之愛吾廬欲以傳子孫客言子有

志不願守邱樊天衢方蕩蕩盍奮凌風翰豈知鷓鴣志

巢林一枝間昔時陋巷子不求仕為官郭外五十畝郭

內十畝田簞馱既足給更得孔鑄顏今我所不樂蹉跎

負經傳正恐衣食薄未克矢勿讓不然生有涯華賸何

陞山詩前金鑑
復云終當手一卷逶徑栽松筠

山居述志三首

捧卷不能讀窮天長在心三春游子夢一枕病翁吟頗
類周南滯如今宰木森愁聽風攪樹况復雨窓深
三載三移宅茲辰又履端比鄰新款洽遠膝強團圓四
十正初度無聞聊自寬人生得閒適誰復慕高官
已端詹尹策粗就紫芝垣結屋原因樹看山輒倚軒課
兒親短檠遲客話清樽却喜無車馬空齋早閉門

訪胡山人故居二首

卅年說劍憶清狂此日人琴惜並亡
鑿鑿尚藏先輩匣

殘徽已失故人牀，曾陪衣羽邀真降。幾處攜瓢倩客嘗，漫說神仙原不死。其如宿草徧山長。

水竹孤村號目連，蓬萊清淺見桑田。鄰翁話憶山中屐，老嫗燒殘圯上編。護雨牽蘿開曲徑，樵雲煮茗汲春泉。力勤稅薄堪長世，黃髮垂髻不計年。

石人行用工部石笋行韻

村裏石人高過門，裁冠大劍雙虎蹲。相傳頭上金銀積，癡子摹想緘函痕。乃有貪夫貪且猛，槍雷椎捥莫敢論。首墜於前失所望，其一既毀其一存。嗟哉俗情尚蒙蔽，妄意存者尤貴尊。天公憑怒夜轟擊，祛愚豁疑大造恩。

獨憐墓中莊學士當時寵賚官駁奔百年翁仲遭殘缺
況匪金石埋山根

小石人行用工部石犀行韻

嶺上浮屠擁衾卧扣門聲厲如喘牛問之云自山坡來
啟戶但見星月流凌晨下坡求未得文豹吐霧蜃結樓
東崦西崦齊呼異得石男女宜薦羞蒙頭拱手高三尺
辱在泥塗幾春秋迎來供養仙靈側刑牲漉血誇鬼謀
愚夫頂唄祝普濟砥柱不逐洪波逝狂夫醉踞挈出門
溲勃交加何佗倅祭黠僧頊足呼紀綱三釁三浴謝香茱

課栽松 壬子

統屋山一圍坡陀可種樹買得小松孫三萬六千數乘
茲春發榮攜鍤朝至暮既經雨澍濡尤喜日暄煦短鬣
攢峭嶸直根築深固傭既藝植勤我亦來往屢因計二
寸長礫河中尺度非惟十年期況恐恣蛀蠹憚勞速近
功將謂計乃誤豈知日荒蕪童山老煙霧栽培不見益
有時匠伯顧傳語驅牛羊慎毋越樊圃

樹柵門二首

吾兄形家言卯門宜向乙不能猝改張樹衡通入出欲
繚以周垣連月月離畢朝暾忽照檐夙興先戒逸呼工
集楨幹築削勞來疾有時斧斤親加以樊柵密竹籬與

柴扉雅稱環堵室荒畦僅如坪短墻裁及膝式遇觸藩
羝何來賀厦亂我雖困舟車性自愜蓬葦居自得之安
履其旋為吉豈在觀流泉拘忌到時日友愛不敢聞謂
宜獲祿秩恐非朱門人枉勞青烏術

人言列重門足以資扞禦有子雖軟弱恃此可閉戶豈
知貧無財絕勝富商賈縱令無扃鑰亦得安寢處況包
周身防接物在和煦讓畔不失段設險自詒阻但能洽
鄰閭何憂恣雀鼠泛愛而親仁雜賓不待拒持已嚴其
閑綢繆曷敢侮我質本疎慵磨礱就前矩忠信為棟楹
謙敬為翼宇開徑延直諫放心事行旅門闌既粗成培

植松菊墅

社後一日蕭雲巢學博邀飲歸賦八韻却寄

雲巢名大

經洞
西人

社酒新筩後招邀折簡催恐迷芳草路故遣竹輿來昨夜野塘雨滿林春桂開門前花豨帽階畔屐侵苔尊叟杉榆望賢郎杞梓材喜余親里閑與客話尊罍欲補良辰會多慚淺量陪笑聲斜日裏扶得醉人回

雜詩

尋置草堂地不減西枝村屋後陽岡暖老樹深盤根雜以衆芳林副之菜竹園其田足耕獲其山足柴薪及我

移家來大樹伐無存小樹尚岑蔚芻蕘日爭喧新筍既
蕩盡樵柯欲撒藩迂生學寬讓公然操斧斤稍稍施詰
逐甚口反怒瞋改顏叩其故一夫前具陳男女十口家
待我炊糲殮魁陵半童楮叢麓崇繚垣其人又強武折
柳懼窺樊獨此易踰越來往如不聞所惜非茂密未堪
翦伐頻君素曠無畛何忽噴有言願君買薪爨豈惟勿
追奔我聞三歎息無業乃游民嗷嗷既多缺必非僅荆
榛安得促就業樹植彌林原更無採樵禁處處宜卜隣

滯雨三首

雲去青山曉雲來白石滋蝶猶驚墜葉蟻輒上繁枝每

夜窺珠斗凌晨失赫曦江天苦梅潤莫作楚臺疑
床頭沾胸臆案上長蒲蘆何遽安高卧猶堪憩矮藤乾
坤雙屐在風雨一瓢孤竹亞敲門急非關過客呼
啟扉松嶂霧倚檻稻畦風偶出何所見漁人收釣筒鷗
來舍南北樵去郭西東野菊苗初長蒙頭細剔蟲

葦碕塘勝詠

葦塘

山阿滙為塘行葦敦周岸靈霖連月深洄瀾浸麓漫草
色含淪濡晴光待朝旦豈惟草茅憂將為禾稼歎物薄
用何如秋繩芟無算藉以索絢乘且抵勞薪費踐履驅

陸山詩前錄卷下
牛羊芑體見枝幹泥泥葉已叢蒼蒼影欲亂弱植本易
生亦復賴雨暝風澤小有淪銜魚飛碧鷗

祀塘

上塘集湍流下塘承波委湍流易蘸竭波委溢涯涘故
令環祀稷潛滋足耘耔吾鄉懲戊戌浚池廣潴水但恐
動桔槔愛惜如醴醢今歲頗不然江漲四五起此雖不
患澇積雨禾生耳豚躑祝滿篝村鼓漸禳祀返照來柴
門病夫亦驚喜啟扉越溝塍溪流一何駛翠剡濃黏天
信步二三里

果克山房

克已如克敵克盡在致果不果不能克不克行乃墮昔
吾有先正二義分宥坐小子忝所生蓮心集偷惰聞道
訖無成豈憂際輒軻彛訓浸遺忘重任怯負荷勒之堂
與齋昕夕能糾我終身落坑穿一日行魍魎腕斷蝮蛇
傷軀還馬草裏前者既先登胡自因么麼

旋元介

水中魚遶石架上螿旋磨大專無停機人馬得安坐易
為君子謀視履嚴督課考德于燕私堅志在窮餓此屋
無廳堂真饋宜此介一飯未敢忘客至謁吾過

牡丹隲

編竹為短籬中栽木芍藥下培四三株俯仰欣有托穀
雨十日花已苞明年萼葉如離婁成千百非一格此亦
奚足珍手澤感索寞其陽面山齋其陰倚卻畧竹樹護
窈窕琴書味荃葯木榻移幽窓鳥聲度虛壑

苦儲崖

有木如杉柏經冬不離披其材非服耜斫檀先椽楹結
實味蝨口粉之為黎祁崖背屏嶽麓大江襟其西賴此
扶疎饒望與青雲齊惜哉合抱者翦伐餘孫枝尚堪垂
樾蔭松竹相參差謾謾風雨來深夜聞子規

直軒

柴門勝無門附之以土直其高不及蓋其大不容車既
無長者轍聊取稱吾廬夕陽度前溪田夫方荷鋤我時
抱兒出倚軒話禾蔬晚風送涼至欲坐即躋閣遙聞上
闕鼓帶月來徐徐

松房別墅

山口千株松三鬣或五鬣草屋六七間藏巖覆松葉招
得田家居雞犬聲相接驅犢飲流泉卧犁噴春醴松花
黃粉湯松枝綠斂捻綴房如木爪清潤含細摺圻霜歡
兒童呼鴨戲啞喋落實畦萌芽移栽風狎獵開與鄰叟
看坐遺蒲葵簞

田首遂

田首舊橫溝傍山未疏導我欲治廣深洩宣無壅滂既
非逆地功可以周隈隩遂為均水法鄰畹滋斃耗為澤
固無多如雨亦常膏若令行一方同井息陵暴往余游
齊梁沃壤平如埽恒暘昏塵霾溽暑沒井竈李翟古稱
能手實在渠漕地利尚有遺民力何能勞我景東里賢
封洫首發號三年田疇豐誰嗣興頌禱小水入大川緒
寫便耕鑿南東順從衡不逆輿情好量力抵賦租分治
得餉犒師古師其意緬懷克允蹈

題索綽羅煦齋庶常秋燈伴讀圖

煦齋名典
和旗人

公

讀書如治絲寸累積尋文讀書如繡希五采紛在掌
齋敏好學始則凍而紡繼且朱綠之黼黻足觀象同日
歌霓裳麗官媿藥榜君擁飛霞珮層霄立可上迺出秋
銜圖告余以疇曩六齡就外傳經籍誦高朗八齡通向
律十齡解寄象十三善騎射豪情慕倜儻先人督責嚴
折節事誠讜每從溫清餘佔畢開書幌晝間提瓮入短
檠篝對棐洛詠逾夜分佐之鍼剪響天吳紫鳳成問安
當昧爽今雖獲一第壯堂慰鞠養迴思燕翼恩春秋愴
貯蠻先生志斯慎以規勿以獎余聞三太息君方抽繭
益七襄成報章樂羊志彌廣況承母訓勞退直捧匣杖

題周希甫舍人放鴨圖

希甫名有聲長沙人

我家湘西君湘東陂塘十里春溶溶同心不作比隣住
可憐又促浮家去憶曾合併在京華十二年來天一涯
握手春明當落日江鄉風景話周遮話到衡門小竹逕
因思石澗新蒲芽晨熹屋角下蘚色齋根斜坐着兒童
開鴨柵持竿咬咬落汀沙短釣橫坳曲復曲夜來溪雨
漲生淥花裏泥翻鴨掌紅柳陰波襯鴨頭綠人生樂事
豈在大傷溪編籬軼埃塏索米囊錢苦受鞅坐令煙波
之遊空入畫君猶滯跡鳳皇池我更懷慙鴛鷺隊桃花
岸竹枝弓何時同社笑言同湖畔秧畦粘天發操艇莫

待陶嘉月

潞河舟中別謝薌泉編脩

薌泉名振定湘鄉人

憶昨邀遊尺五園竹中行饌接芳樽城南景物堪憑檻

江左人材早及門

君曾典試江南

餞席羣公留別思涼風三日

謝餘暄與君枕藉舟中白河岸已聞車馬喧

毘陵舟中

一枕困橈聲披衣霽色明水迴橋影折雲度塢光橫問
釣叅魚性牽帘識酒名最憐清滿眼竹樹出重城

代題馮巽齋太守秋釭補讀圖

巽齋名鼎高福建人

讀書貴能用無用奚貴讀用其所有餘讀乃見不足撐

賜五千卷經手三萬軸自號工詞章其實一書簾抑或
棄短檠綺堂燦珠玉頗與書為仇何論虛若谷古人博
通經定策蔽疑獄所以學道人勤於暮炳燭太守撥煩
才屢登第一牘自視猶欲然追懷舊蘆粥謂吳財賦強
何以慎羸縮謂吳文藻盛何以表風俗相與講庶政廣
思切衷曲晚涼入疎桐暝色護深竹退食秋樹根梯几
青燈屋少年洛生詠豈必誇熟復補之又補之此事無
斷續看君夜氣清晴虹照眉目

陶山詩前錄卷下